



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus I. De Veneratione Sanctorum.

[urn:nbn:de:hbz:466:1-73045](#)

*Decis. 254. n. 15. in fine, & pluribus, quos
refert Farin. in prax. crimin. q. 72. n. 62.*

- 3634 *Not. 4. ex Gonzalez c. 1. b. t. n. 3. ea
verba, quæ sequuntur in præsenti rubri-
ca, & aliorum Sacramentorum, accipien-
da esse impropriæ, & in lata acceptione
pro oleo extrema unctionis, & rebus, quæ
Sacramentorum usibus deputatae sunt, de
quibus in cap. 2. *Chrisma enim, olem, &* &
*similia Sacraenta non sunt, cum non
persistant, nec dentur in permanendo,*
*sed tantum Sacraentalia, vel rectius ma-
teria Sacramenti remota.**
- 3635 In c. *Relinqui, ult. b. t.* agitur de de-
cèntia, & munditie servanda 1. in Eccle-
sia, 2. in vasis ministerii, vestimentis mi-
nistrorum, pallis Altarium, corporali-
bus, & reliquis ad Sacra in Ecclesiis mini-
steria pertinentibus, hinc prohibetur, ne
Clerici Ecclesiæ sic disponant *suppelletili-
bus propriis, & etiam alienis, ut potius do-
mus laice quam DEI basilica videantur;* non
considerantes, quod Dominus non sine-
bat ut vas transferret per templum, nisi
propter hostiles incursus, aut incendia re-
pentina, seu alias necessitates urgentes,
ad eas oporteat habere refugium: sic ta-
men, ut necessitate cessante res in loca pri-
stina reportentur. Deinde, ne non so-
lum Ecclesiæ dimittant inculas, verum
etiam vas ministerii, & vestimenta mini-
steria.

QVÆSTIO XLV.

IN TITUL. XLV. DE RELIQUIIS, ET VENERATIONE SANCTORUM.

Hic titulus reperitur etiam in Sexto, Clementinis, & Extravagantibus; continet duas partes, ut pater ex Rubrica tituli. Quoniam vero de veneratione, & cultu sanctorum contra Sectarios, ex professo agitur in Theologia polemica, de Controversiis Fidei; ea solùm hic exponemus, quæ per sacros canones b. t. præscribuntur.

ARTICULUS I.

De Veneratione Sanctorum.

- 3636 **A**nne resolutionem supponendum,
quod inter *Sanctum, & Beatum*

notet Gavantus *tom. 2. ad Rub. Breviarii,*
Sect. 1. cap. 5. tit. 2. n. 12. discriben;
quia *Sanctus* intelligitur canonizatus ab
Ecclesia, cui publicus, & universalis con-
ceditur cultus: *Beatus* ille, in cuius cultu
quoad locum, tempus, & ritum, Sedes
Apostolica limitate procedit. Hinc licet
omnis Sanctus sit Beatus; tamen econtra
Beatus, dici nequit *Sanctus*, nisi improprie;
sic Pereyra in Elucidario 2. eluci-
dat. 2. *Sect. 2. n. 1404.* ratio patet ex da-
to discribimine. Suppon. 2. *Santos*, præ-
cedente hac vita, & miraculorum discus-
sione, *beatificari*, & postea *canonizari*,
inter *beatificationem* porro, & *canoniza-*

tionem

tionem discrimen est, quod Beatorum cultus fidelibus permittatur; canonizatum autem, præcipiatur, & propositio istorum ad fiduci certitudinem spectet, non verò illorum: licet enim canonizatiōnem Sanctorum non omnino ad fidem pertinere, & ideo errori subjectam esse, censuerint Glossa V. Sedi Apostolica, hoc sit. in 6. Canus lib. 5. de locis Theolog. cap. 5. vers. Præterea in canoniz. contrarium tamen verius est, videlicet, in canonizatione Sanctorum, Pontificem errare non posse; cum in canonizatione aliquis Sancti Pontifex sic loquiat: Authorizate Domini nostri Iesu Christi, & BB. Petri, & Pauli Apostolorum ejus, ac nostra N. callest. Hierusalem fuisse receptum, & aeternæ gloris corona donatum, de Fratrum nostrorum consilio, declaramus; eumque tanquam Sanctum publicè privatimque colendum esse, decernimus & definimus; cum ergo talis definitio fiat pro tota Ecclesia, quæ teneatur Pontifici obedire, errori non est subiecta.

3637 Deinde, canonizatio nunquam licuit Episcopis; beatificatio verò primis Ecclesiæ fæculis ab illis fiebat. Cum enim canonizatio sit opus clavis scientia, & usus ejus supremus, utpote quo nova propositio, sub fiduci violata periculo, ab universis fidelibus asserenda proponitur; decernere autem, quæ ad fidem orthodoxam spectant, solis D. Petri successoribus reservatum sit, tanquam Pontifex potest sanctos canonizare: Episcopi autem olim, dum Martyres populo proponebant venerandos, inter Beatos recensébant eos; quandoquidem ovibus suis publicè colendos edebant, quos satis noverant, aut evidentiâ facti, aut constanti probatione, vere pro Domino, & ejus fide occubuisse: Sed, quamvis id olim licuerit Episcopis in propriis diœcessibus quosdam veneratio[ni] exponendo; postea tamen ipsam etiam Beatificationem Pontifex sibi reservavit, & meritò; nam aliquando ob segnitiam aliquorum contigerat, fures pro beatis coli, ut refert Severus in vita S. Martini cap. 8. & constat ex c. 1. b. t.

3638 Casus porro, de quo agit c. Audivimus 1. b. t. prout constat ex historia Baronii ad annum 1181. & refert Gonzalez ad dict. c. 1. à n. 1. est iste: Arnulphus, Lexoviensis Episcopus, Alexandro III.

retulit, ingentem dissolutionem Monachorum Cenobii Christani, qui inter alia impia scelera se mutuis vulneribus sape configabant, ac nihilominus, ne miracula facere crederentur, & quibuslibet commentis secularium personarum frequentes invitarent accessus, sanitatis remedia per aquam, certis carminibus incantatam, promittebant. Tandem retulit Lexoviensis Praeful, Procuratorem ipsius Monasterii ebrium, in refectorio super coenam, duos de fratribus cultello percussisse, eundemque ab eis in continentia pericula, quam casus obtulit, occisum fuisse. Quidnam tamen ad hæc rescripsisset Alexander? non constat, licet extet prædicta epistola Episcopi Arnulphi, quo posito conjectatur Baronius, quod, cum predictus Procurator in ebrietate occisus, Martyris titulo impudenter ab illis Monachis miracula affectantibus coleretur, Alexandrum III. ne id fieret, rescripsisse in præsenti textu.

Textus autem sic habet: *autem vim quod quidam inter vos, diabolus fraudus decepit, hominem quendam in potatione & ebrietate occisum (quasi sanctum) more infidelium venerantur, cum vix pro talibus in ebrietatibus peremptis orare permittat Ecclesia. (Dicit enim Apostolus, quod ebrios homines regnum DEI non possidebunt,) hominem ergo illum de cætero colere non presumatis; cum, etiam per eum miracula plurima fuerint, non licet vobis pro Sancto, absque Authoritate Romana Ecclesie cum publicè venerari.*

Ex hac Alexandri epistola ad Monachos Christianos, deducitur 1. neminem, tanquam Sanctum, cultu publico posse honorari, nisi ab Apostolica Sede fuerit beatus declaratus, et si miracula fecerit, constat ex c. 1. h. t. c. unico in 6. eod. Trid. Sess. 25. de reform. t. 2. Nec obstat, quod aliqui tribuunt D. Augustino dcenti, multi in terris venerantur, qui in infernis cruciantur, præterquam enim, quod hic locus in Augustino non repertur; textus intelligi potest, & debet, non de canonizatis, aut Beatificatis à Sede Apostolica; sed de his, qui falsa hominum opinione celebrantur, ut constat ex textu c. 1. de quo n. priori, vel quos Sectarii tanquam Sanctos colunt, in erroibus, heresi, vel infidelitate defundos, ac de-

In Tit. XLV. De Reliquiis, & Venerat. Sanct. 849

ac demum etiam illis, quorum corpora in magnificis Mausoleis condita, honorantur, anima illorum in inferno consupitata. Deducitur 2. recte dici, quod Ecclesia pro his, qui in ebrietate sunt perempti, vix permittat orari, cum vix contingat eos in gratia decedere.

3640 Præter hæc not. in c. Vnico h. t. in 6. præcipi, festa duodecim Apostolorum, quatuor Evangelistarum, & quatuor Doctorum & Confessorum Ecclesie (scilicet Gregorii, Augustini, Ambrosii & Hieronymi) sub officio duplice solemniter celebrari. In Clementina unica, eod. Festum Corporis Christi, debere celebrari feriâ V. post Octavam Pentecostes, & certas indulgentias concedi eis, qui in Festo, vel intra Octavam, officio, vel horis interfuerint: demum in Extravag. 1. inter omnes: qui Conceptionem immaculatae Virginis devotè celebraverint, in eodem Festo, & ejus Octavis officio interfuerint, eis tales indulgentias tribui, quales consequuntur Christi fideles in Corporis Christi festivitate, in Extravag. autem 2. idem Sextus IV. statuit, quod excommunicationem ipso factâ incurvant Predicatores, afferentes diuam Virginem in peccato mortali suisse conceptam, aut qui dicunt, quod Festum Conceptionis ejus celebrantes, graviter peccant, & vult presentem constitutio nem in locis populosis publicari. De hoc V. Trid. Sess. 5. in Decreto de peccato originali, & plures Summorum Pontificum Constitutiones.

ARTICULUS II.

De Reliquiis Sanctorum.

3641 **D**E his agitur c. 2. h. t. quod est desumptum ex CC. generali sub Innocentio III. ubi, cum ex eo, inquit, quod quidam Sanctorum Reliquias exponunt venales, & eas passim ostendunt, Christianæ reliquia detractum sit sapienter ne posterum detrahatur, præsenti Decreto statuimus, ut antiqua Reliquie à modo extra capsam nullatenus ostendantur, nec exponantur venales: inventas autem de novo nemo publicè venerari presumat, nisi prius auctoritate Romani Pontificis fuerint approbatae, Prelati vero non permittant eos, qui ad eorum Ecclesias, causâ venerationis, accedunt, variis segmentis, aut falsis documentis decipi,

Tom. III.

sicut in plerisque locis, occasione quæstus, fieri conseruent.

Ex hoc deducitur 1. Reliquias Sanctorum vendi non posse, cum sint res sacrae, consequenter non recipient æstimationem, ut temporali compensari possint, adeo, ut ipsarum venditio non possit excusari à Simonia, de quo agimus l. 5. tit.

3. posse tamen vendi, clausas aliqua theca, ligneâ, argenteâ, &c. sic tamen, ut solum ea materia, & labor preio compensetur, quin titulo reliquiarum carius æstimetur de quo loc. cit.

Deducitur 2. esse distinctionem hic inter Reliquias novas, & antiquas, per novas intelliguntur hic omnes novæ, quæ scilicet de novo inventa sunt, id, quod dupliciter fieri potest. 1. de Reliquiis alicuius Sancti jam alias ab Ecclesia canonizati, vel beatificati, noviter tamen, seu primò jam inventis cum instrumento authentico; 2. de Reliquiis alicuius nondum canonizati, vel beatificati, primum nunc & noviter inventis; hinc antiquæ censentur, Reliquiae Sanctorum de quorum canonizatione, vel beatificatione jam alias confit, uti & hoc, quod reliquiae illorum sint.

Deducitur 3. antiquas Sanctorum reliquias non esse populo exhibendas extra capsam, vel loculum, quo condita sunt, ne detur detractoribus occasio, male sentiendi, vel loquiendi, prout exponitur in textu relato supr. n. 3641. de quo V. Sanchez in Decalog. tom. I. l. 2. c. 43.

n. 21. Deducitur 4. dictas Reliquias non esse exponendas quæstus causa, nam hoc continet intentionem avaritiae, ac lucri temporalis cupiditatem in rebus sacris, & saperet Reliquias exponi venales.

Deducitur 5. non licere Reliquias de novo inventas cultui publico exponere prius, quam à Summo Pontifice approbatæ sint, ut constat ex textu in n. 3641. quod tamen accipe de reliquiis noviter inventis, de quibus non habetur authenticum instrumentum, vel scriptura, quod sint antiquorum Sanctorum, jam ante ab Ecclesia canonizatorum, vel beatificatorum. Dixi cultui publico, privatus enim non interdicitur, sicut nec cultus privatus Reliquiarum de illis, qui quidem nequam ab Ecclesia canonizati, vel beatificati sunt, deceperunt tamen communis sensu, & opinione Sanctitatis, de quibus V. Sanchez

PPP pp

cit.